



**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD ŽIVINICE**

**Savjet za lokalni ekonomski razvoj (SLER)  
Živinice, 28.02.2022.godine**

**ZAPISNIK**

Sa sastanka SLER-a, održanog 28.02.2022.godine, sa početkom u 14 sati u prostorijama Grada Živinice (sala za sastanke).

Sastanku prisutni članovi SLER-a, prema listi sa potpisima koja je u prilogu.

Dnevni red sastanka bio je sljedeći:

- **Prezentacija Analize potreba radne snage na području grada Živinice**

**Gradonačelnik:** pozdravio prisutne i dao uvodno obraćanje o temi sastanka.

**Salih Durić, Grad Živinice:** objasnio na koji način je izvršen proces anketiranja privrednika. Napomenuo je da veliki broj kompanija nije željelo učestvovati u anketiranju iz nepoznatih razloga.

**Admir Aljić, Grad Živinice:** Prezentovao rezultate anketiranja te sam proces anketiranja. Istaknuto je da je služba za LER i Centar za biznis anketu dostavio na 100-ak lokalnih privrednih subjekata 07.02.2022. godine te da je krajnji rok za dostavu podataka bio 15.02.2022. godine. Anketa je dostavljena na email adrese anketiranih privrednih subjekata, te su isti kontaktirani i putem telefona. Prikupljeni su podaci od ukupno 19 kompanija. Anketiranje je provedeno u saradnji sa Udruženjem privrednika sa područja grada Živinice. 19 kompanija koje su dostavile podatke, trenutno zapošljavaju 1694 uposlana, od kojih je 287 žena. Ukupno 17 kompanija je istaknulo da planira novo zapošljavanje te da imaju potrebu za određenim kadrovima. Na osnovu prikupljenih podataka, trenutno je potrebno 152 radnika, a najviše su traženi građevinski radnici (28), bravari (25), mašinski tehničari (12), zavarivači (10), te ostali. Također je naznačeno da anketirane kompanije smatraju da su bravari, zidari, armirači, stolari trenutno najdeficitarnije struke i da u narednom periodu posebnu pažnju treba posvetiti ovim kadrovima.

**Asim Bojić, Ministarstvo obrazovanja TK:** Ministarstvo je saglasno da srednja škola uputi zahtjev za upis profila koji nedostaju: bravari, CNC operateri za drvenu i mašinsku industriju, itd.

**Amir Selimović, SZZ-biro Živinice:** dao sam određene informacije:

- Stolar i građevinski radnici nisu deficitarna zanimanja
- Armirača je samo 1 na birou – treba kreirati više ovih profila kroz obrazovne institucije, isto kao i kranista, fasadera, keramičara, itd..
- Dostavit ću i tačnu informaciju o profilima koja su potrebna na osnovu rezultata ankete.
- Armirač i keramičar bi išli u neformalno obrazovanje
- Bravar i CNC operateri bi išli kroz formalno obrazovanje

**Zijad Selimović, predsjednik Udruženja poslodavaca Živinice:** Smatram da nema potrebe za prekvalifikaciju. Neophodno je obratiti pažnju na kvalitet. MSS neka nam dostavi potrebe za određenom opremom i alatom kako bi se djeca mogla adekvatno naučiti u školskim radionicama.

**Gradonačelnik:** Na osnovu prikupljenih podataka možemo zaključiti da je neophodno da idemo sa zaključkom da ćemo nastaviti anketiranje ostalih firmi, te prezentaciju obrađenih podataka. Kompanije

koje su dostavile podatke imaju prednost. Uputiti zahtjev djeci za neformalno zanimanje – neformalno obrazovanje/praksa. Poslodavci su spremni za nabavku opreme a MSŠ za obavljanje prakse. Nastavak programa obavljanja prakse u firmama. MSŠ će dostaviti specifikaciju potrebne opreme. Služba za LER da uradi anketu potreba građevinskih firmi za profilima – keramičar, kranista, tesari itd.

**Asim Bojić:** Pravilnik o neformalno obrazovanju – odgovor na hitne potrebe tržišta rada. Stojimo na raspolaganju da u Živinicama uradimo pilot projekat za neformalno obrazovanje a na osnovu ovog pravilnika.

Sastanak je zaključen u 15:00 sati.

Zapisnik sačnio:  
Admir Aljić